





歷代宅京記卷之九

雒陽下

後周

周書宣帝本紀曰、大象元年春二月癸亥、詔曰、河洛之地、世稱朝市、上則於天、陰陽所會、下紀於地、職貢路均、聖人以萬物阜安、乃建王國、時經五代、世歷千祀、規摹宏遠、邑居壯麗、自魏氏失馭、城闕為墟、君子有戀舊之風、小人深懷土之思、我太祖受命豐鎬、胥宇峻函、蕩定四方、有懷光宅、高祖神功、聖畧混一、區宇往巡、東夏省方、觀俗布政、此宮遂移、氣序朕以、眇身祇承寶祚、庶幾聿脩之志、敢忘燕翼之心、一昨駐蹕金墉、備嘗游覽、百王制度、基址尚存、





今若因脩為功易立、宜命邦事、脩復舊都、奢儉取文質之間、功役依子來之義、北瞻河內、咫尺非遥、前詔經營、今宜停罷、於是發山東諸州兵、增一月功、為四十五日役、起洛陽宮、常役四萬人、并移相州六府於洛陽、稱東京六府、  
辛卯、詔徙鄴城石經於洛陽、  
賈熾傳曰、周宣營建東京、以熾為京洛營作大監、宮苑制度皆取決焉、

帝好自矜夸、飾非拒諫、禪位之後、彌復驕奢、所居宮殿、帷帳皆飾以金玉珠寶、光華炫耀、極麗窮奢、及營洛陽宮、雖未成畢、其規模壯麗、踰於漢魏遠矣、

隋書樊叔略傳曰、拜忸州刺史、宣帝時營建東京、以叔畧有巧思、拜營構監、宮室制度皆叔畧所定、  
靜帝本紀曰、宣帝崩、停洛陽宮作、

隋

隋書煬帝本紀曰、仁壽四年冬十一月癸丑、詔曰、乾道變化、陰陽所以消息、沿創不同、生靈所以順叙、若使天意不變、施化何以成、四時人事不易、為政何以釐萬姓、易不云乎、通其變、使民不倦、變則通、則久、有德則可久、有功則可大、朕又聞之、安而能遷、民用丕變、是故姬邑两周、如武王之意、殷人五徙、成湯后之業、雒邑自古之都、王畿之內、天地之所合、陰陽之所和、控以三河、固以四



塞水陸通貢賦等故漢祖曰吾行天下多矣唯見雒陽自古皇王何嘗不留意所不都者蓋有由焉或以九州未一或以其因府庫作雒之制所以未暇也我有隋之始便欲創茲日復一日越暨于今永懷先旨興言感哽朕肅膺寶歷纂臨萬邦遵而不失思奉先志今者漢王諒悖逆毒被山東遂使州縣或淪非所此由閩河懸遠兵不赴急加以并州移戶復在河南周遷殷民意在於此况復南服遐遠東夏殷大因機順動今也其時羣司百辟僉諧厥議但成周墟墉弗堪胥宇令可於伊雒營建東京便即設官分職以為民極夫宮室之制以便生人上棟下宇足避風露高臺廣廈豈曰造形故傳云儉德之共侈惡之大宣尼有云與其奢也寧儉豈謂

瑤臺瓊室方為宮殿者乎土階采椽而非帝王者乎是知非以天下奉一人乃以一人主天下也民惟邦本固邦寧百姓不足君孰與足今所營構務從節儉無令雕牆峻宇復起於當今欲使卑宮菲食將貽于後世有司明為條格稱朕意焉

大業元年春三月丁未詔尚書令楊素納言楊達將作大匠宇文愷營建東京徙豫州郭下居民以實之又於阜澗營顯仁宮採海內奇禽異獸草木之類以實園苑徙天下富商大賈數萬家於東京

宇文愷傳曰遷都雒陽以愷為營東都副監尋遷將作大匠愷揣帝心在宏侈於是東京制度窮極壯麗帝大悅之



兩京記曰煬帝登北邙觀伊闕曰此龍門邪自古何為不建都於此蘇威曰以俟陛下大業元年自故都移於今所其地周之王城初謂之東京改為東都

太平御覽曰煬帝遷洛陽於故周之王城即今東都城也

辛亥發河南諸郡男女百餘萬北史作七百萬開通濟渠自西苑引穀洛

水達于河自板渚引河通于淮

二年春正月辛酉東京成賜監督者有差

禮儀志曰既營建雒邑帝無心京師乃於東都固本里北起天經宮以遊高祖衣冠四時致祭

地理志曰河南郡舊置洛州大業元年移都改曰豫州東西三門

北曰上春中曰建陽南曰永通南面二門東曰長夏正南曰建國里一百三市三

桃林縣有上陽宮

陝縣有弘農宮

宜陽縣有福昌宮

壽安縣有顯仁宮

煬帝紀曰於阜澗營顯仁宮採海內奇禽異獸草木之類以實園苑

唐

唐書高祖本紀曰武德四年冬十二月使行臺僕射屈突通焚乾



元殿應天門紫微觀

太宗本紀曰貞觀四年夏六月乙卯發卒治洛陽宮寶璣傳曰為

葺洛陽宮於宮中鑿池起山崇飾雕麗太宗怒遽令毀之

十一年春正月庚子作飛山宮秋七月壬寅廢明德宮及飛山宮

之玄圃院賜遭水家時大雨水穀洛溢

高宗本紀曰顯慶元年勅司農少卿田仁汪因東都舊殿餘址修

乾元殿高一百二十尺東西三百四十五尺南北一百七十六尺

三年冬十二月丁卯以洛陽宮為東都洛州官吏員品如雍州罷

洛陽宮總監改青城宮為東都苑北面監明德宮為東都苑南面

監洛陽宮農圃監為東都苑東面監食貨監為東都苑西面監洛

田仁汪本名弟の孫作田仁汪後考

正日二字疑有誤

萬字疑有誤

州北市置官員准東西市隸太府寺

五年夏四月作八閔宮於東都苑內五月壬戌幸八閔宮改為合

璧宮

秋九月改東明門為賓躍門西明門為宣耀門時常機為司農少卿

受詔檢校東都營田園苑之事帝謂之曰兩都是朕東西二宅也

今之宮館隋代所造歲序既淹漸將頽毀欲有修造又費財力如

何機奏曰臣任司農向已十年前後省費今見貯錢三十萬貫若

以供葺理可不勞而就也帝大悅詔機兼統將作少府二司使漸

營之於是機始造宿羽高山等宮并移洛水之中橋自立德之西

街徙於長夏之通衢常機傳曰從立德坊遂廢利涉橋公私以為



便及機遷職帝登洛水高岸有臨眺之美詔機於其所營上陽宮  
宮成移御之

帝御洛北陰殿尚書左僕射劉仁軌謂侍御史狄仁傑曰古之陂  
池臺榭皆在深宮重城之內不欲外人見之恐傷百姓之心也帝  
弘機之作列岸修廊在於堙堞之外萬方朝謁無不覲之此豈致  
君克舜之意哉

麟德二年春二月辛未乾元殿成洛陽宮正殿也改應天門為則天門應

門武德四年焚之至是造成

調露元年春正月己酉上幸東都司農卿韋弘機作宿羽高山上  
陽等宮按典宿羽高山二宮皆在東都禁苑中制度壯麗上陽宮臨洛水為長廊亘

一里宮成上徙御之

夏五月戊戌作紫桂宮於澠池之西

永淳元年夏四月改紫桂宮為芳桂宮秋七月己亥作奉天宮於  
嵩山南宮在洛州嵩陽縣

弘道元年冬十二月丁巳遺詔廢萬泉芳桂奉天等宮

武后本紀曰光宅元年秋九月甲寅改東都為神都宮名大初  
垂拱四年春二月庚午毀乾元殿於其地作明堂以僧懷義為使  
凡役數萬人

冬十二月辛亥明堂成高二百九十四尺方三百尺凡三層下層  
法四時各隨方色中層法十二辰上為圓蓋九龍捧之上層法二



十四氣亦為圓蓋上施鐵鳳高一丈飾以黃金中有巨木十圍上  
下通貫栴檀椽椳藉以為本下施鐵渠為辟雍之象號曰萬象神  
宮改河南為合宮縣又命懷義作夾紵大像其小指中猶容數十  
人於明堂北起天堂五級以貯之至三級則俯視明堂矣懷義以  
功拜左威衛大將軍梁國公侍御史王求禮上書曰古之明堂茅  
茨不剪采椽不斷今者飾以珠玉塗以丹青鐵鸞入雲金龍隱霧  
昔殷辛瓊臺夏癸瑤室無以加也太后不報  
延載元年秋八月武三思帥四夷酋長請鑄銅鐵為天樞立於端  
門之外端門洛陽皇城正南門銘紀功德黜唐頌周以姚璿為督作使諸胡  
聚錢百萬億買銅鐵不能足賦民間農器以足之

天冊萬歲元年正月夏正月丙申夜天堂火延及明堂比明皆盡  
命更造明堂天堂舊書薛懷義傳有御醫沈南瑒得幸懷義恩漸  
而隱之又令懷義恨怒頗甚乃焚天堂明堂並為灰燼則天媿  
義充使督作又鑄銅為九州鼎神都曰豫州高一丈八尺受  
鼎曰長安兖州曰觀青州曰少陽徐州曰武興雍州  
曰江都荊州曰江陵梁州曰咸都八州鼎高一丈四尺各受  
百石及十二神皆高一丈各置其方

夏四月戊寅天樞成天樞其制若柱高一百五尺徑十二尺八面各徑五  
尺下為鐵山周百七十尺以銅為蟠龍麒麟縈繞之上為騰雲承  
露盤徑三丈四龍人立捧火珠高一丈工人毛婆羅造模武三思  
為文刻百官及四夷酋長名太后自書其榜曰大周萬國頌德天  
樞



萬歲通天元年春三月丁巳新明堂成高二百九十四尺方三百尺規模率小於舊上施金塗鐵鳳高二丈後為大風所損更為銅火珠羣龍捧之號曰通天宮

神功元年夏四月戊辰九鼎成徙置通天宮豫州鼎高丈八尺受千八百石餘州高丈四尺受千二百石洛圖山川物產於其上共用銅五千六萬七百餘斤太后欲以黃金千兩塗之姚璿曰九鼎神器貴於天質自然臣觀其五采煥炳相襍不待金色以為炫耀太后從之自玄武門曳入令宰相諸王帥南北牙宿衛兵十餘萬人并仗內大牛白象共曳之

久視元年春一月夏正月戊寅作三陽宮於告成之石淙三陽宮去洛城一百

六十里萬歲登封元年改洛州陽城縣曰告成

大足元年夏六月於東都立德坊南穿新潭安置諸州租船

李昭德傳曰長壽中神都改作文昌臺及定鼎上東諸門又城外郭皆昭德創其制度時人以為能初都城洛水天津之東立德坊西南隅有中橋及利涉橋以通行李上元中司農卿常機始移中橋置于安衆坊之左街當長夏門都人甚以為便因廢利涉橋所省萬計然歲為洛水衝注常勞治葺昭德創意積石為脚銳其前以分水勢自是竟無漂損

長安四年春正月丁未毀三陽宮以其材作興泰宮於萬安山萬安山在洛州壽安縣西南四十里



玄宗開元元年秋七月甲戌毀天樞

五年秋七月太常少卿王仁惠等奏則天立明堂不合古制又明堂尚質而窮極奢侈密邇宮掖人神樛擾甲子制復以明堂為乾元殿冬至元日受朝賀季秋大享復就圓邱

詔曰古者操皇綱執大象者何嘗不上稽天道下順人極或變通以隨時爰損益以成務且嚮室創制度堂以筵因之以禮神是光孝享用之以布政蓋稱視朔先王所以厚人倫感天地者也少陽有位上帝斯歆此則神貴於不黷禮殷於至敬今之明堂俯臨宮掖比之嚴祀有異肅恭苟非憲章將何執物由是禮官博士公卿大夫廣參羣議欽若前古宜存路寢之式用罷辟雍之號可改為

乾元殿每臨御宜依正殿禮

十年冬十月癸丑復以乾元殿為明堂

十三年夏四月丙辰上與中書門下及禮官學士宴於集仙殿上曰仙者憑虛之論朕所不取賢者濟理之具朕今與卿等合宴宜

更名曰集賢殿

丁巳改集仙殿為集賢殿  
正殿書院改集賢殿書院

二十年夏四月癸巳改造天津橋毀皇津橋合為一橋

二十七年冬十月詔將作大匠康瓘詣東都毀則天所立明堂瓘言則天時以木為瓦夾紵漆之毀之勞人奏請且拆上層卑於舊制九十五尺又去柱心木平座上置八角樓上有八龍騰身捧火珠又小於舊制圓五尺覆以真瓦依舊為乾元殿十一月甲辰成



天寶二年冬十二月、改應天門為乾元門、本則天門、神龍元年三月、唐隆元年七月、避中宗號改為應天門、代宗永泰元年冬十一月、河南道都統黃門侍郎平章事王縉請修東京宮殿從之。

晉緒傳曰、遷河南副元帥、請減軍資錢四十萬貫、修東京殿宇、武宗會昌五年秋八月、宰相李德裕等奏、東都九廟神主二十六、今貯於太微宮小屋、請以廢寺材復修太廟、九月、詔修東都太廟、宣宗紀曰、會昌六年四月、東都留守李石奏、修奉太廟畢、所迎奉太微宮神主、祔廟訖、東都太廟者、本武后家廟、神龍中、宗反正、廢武氏廟主、立太祖已下神主、祔之安祿山陷洛陽、以廟

為馬廐、棄其神主、協律郎嚴郢收而藏之、史思明再陷洛陽、尋又散失、賊平、東京留守盧正已又募得之、廟已焚毀、乃寄主於太微宮、大曆十四年、留守路嗣恭奏、重修太廟、以迎神主、詔百官參議、紛然不定、禮儀使顏真卿堅請歸祔、不從、會昌五年、留守李石因太微宮正殿圯、以廢弘敬寺為太廟、迎神主、祔之、又下百寮議、皆言准故事、無兩都俱置之禮、惟禮部侍郎陳商議云、周之文武、有鎬洛二廟、今兩都異廟、可也、然不宜置主於廟、主宜依禮、瘞於廟之北墉下、事未行、而武宗崩、宣宗即位、因詔有司、迎太微宮寓主、祔廢寺之新廟、而知禮者非之、

昭宗天祐元年夏閏四月、車駕遷于東都、



昭宣帝天祐二年夏五月壬戌、勅法駕遷都之始、雖京再建之初、慮懷土有類於新豐、權更名以變於舊制、今則妖星既出於雍分、是年春正月、彗星出北河貫文昌、五月復出軒轅大角及于天市垣。高閎難倣於秦餘、宜改舊門之名、以壯卜年之永、其京都見在門名與西京同者、並改之、於是改延喜門為宣仁門、重明門為興教門、長樂門為光政門、光範門為應天門、乾化門為乾元門、宣政門為敷政門、宣政殿為貞觀殿、日華門為左延福門、月華門為右延福門、萬壽門為萬春門、積慶門為興善門、含章門為膺福門、含清門為延義門、金鑿門為千秋門、延和門為章善門、保寧殿為文思殿。

唐書地理志曰、東都隋置、武德四年廢、其年十一月改東都、六年

九月改洛州、貞觀六年號洛陽宮、顯慶二年曰東都、十二月十日

宅元年曰神都、九月五日神龍元年復曰東都、二月五日天寶元年曰東京、

二月十日開元元年十二月一日、改為河南府、上元二年罷京、九月十日

日、肅宗元年復為東都、建卯月一日皇城長千八百一十七步、廣千

三百七十八步、周四千九百三十步、其崇三文七尺、曲折以象南

宮垣、名曰太微城、宮城在皇城北、長千六百二十步、廣八百有五

步、周四千九百二十一步、其崇四丈八尺、以象北辰、藩衛曰紫微

城、武后號太初宮、上陽宮在禁苑之東、接皇城之西南隅、上元

中置高宗之季、常居以聽政、都城前直伊闕、後據中山、左瀍右澗、

洛水貫其中、以象河漢、東西五千六百一十步、南北五千四百七



十步西連苑北自東城而東二千五百四十步周三萬五千五十步其崇丈有八尺武后號曰金城河南府

河南府 澠池縣西五里有紫桂宮儀鳳二年置調露二年曰避暑宮永淳元年曰芳桂宮弘道元年廢

福昌縣西十七里有蘭昌宮有故隋福昌宮顯慶三年復置

永寧縣西五里有崎岫宮西三十三里有蘭峰宮皆顯慶三年置

壽安縣西一十九里有連昌宮顯慶三年置西南四十里萬安山

有興泰宮長安四年置

汝州 臨汝縣有清暑宮在鳴皋山南貞觀中置

東都城左成皋右函谷前伊闕後却山南面三門中曰定鼎左曰

長夏右曰厚載東面三門中曰建春南曰永通北曰上東北面二

門東曰安喜西曰徽安庶子宇文暹移故都創造也南直洛水之

口北倚却山之塞東出瀍水之東西洛水貫都而有河

漢之象馬東去故都十八里煬帝既好奢靡愷又為奇巧遂作重

樓曲閣連闔洞房綺繡乾陽殿及建國門廢未幾亂為瓦砾所擄

武德五年平寇乃詔焚乾陽殿及建國門廢未幾亂為瓦砾所擄

管都督府以宮城倉年改洛陽宮東道大行臺武德九年復為洛

州復置為東都龍朔中詔司農少卿田仁車駕始幸洛陽明慶元

農少卿常機更加營造永昌中遂改為神都漸加營構宮室百司

市里郭郭於更構陽宮東面五里距徽安門七里郭郭南廣北狹

凡西面連苑距市居其中馬開元二年廢西連禁苑西四門南曰迎秋次曰遊義次曰籠烟北曰靈溪皇城在都城之西北隅南面三門中曰端門左曰左掖門右曰右掖門東面一門曰賓耀



西面二門、南曰麗景、北曰宣耀、東城在皇城之東、曰宣仁門、南曰承福門、皇城在東城之內、百僚辭署、如京城之制、皇宮在皇城之東、西四里一百八十步、南北二里八步、南面三門、中曰應天、左曰堯、右曰光、政應天門、端門、若西京之太極門、西廊有右興教之內曰會昌、其北曰章善、光政之內曰廣運、其北曰明福、乾元之左曰萬春、右曰千秋、其內曰乾元殿、則明堂也、證上圓下方、八窓四闥、高三百尺、殿之左曰春暉門、右曰秋門、北曰燭龍門、明福之東曰武成門、其內曰武成殿、明福之西曰崇賢門、其內曰集賢殿、武成之北曰壽殿、集賢之北曰僊居殿、其東曰億歲殿、又東曰同明殿、其內又有觀禮、歸義、收成、光慶等門、延祥、延壽、觀文、大令等殿、宜春、仙居、迎祥、六合、

等院、其西北出曰洛城、西門、其內曰德昌殿、北曰儀鸞殿、德昌南出曰延慶門、又南曰韶暉門、西南曰洛城南門、其內曰洛城殿、又北曰飲羽殿、洛城自此潛通於上陽宮、東垂也、南臨洛水、西距穀水、東面即皇城、右掖門、東面三門、南曰之南、上元中營造高宗晚年常居北宮、以聽政焉、東面三門、南曰提象門、衙門正北曰星躔門、提象門內曰觀風門、南曰浴日樓、北曰七寶閣、其內曰觀風殿、殿東面其內又有麗臺、其西則有西上陽宮、兩宮夾殿、水缸北曰化成院、西南曰甘露殿、東曰雙曜亭、又西曰麟趾殿、東曰神和亭、西曰洞玄堂、觀風之西曰本枝院、又西曰麗春殿、東曰含蓮亭、西曰芙蓉亭、又西曰宜男亭、北曰芬芳門、其內曰芬芳殿、又有露菊亭、互春、如嬪、僊宮之南面曰僊洛門、又西



曰通僊門、院在其內曰甘湯院、次北東上曰玉京門、內北曰金闕門、南曰泰初門、玉京之西曰客省院、隆殿、翰林院、又西曰上陽宮、西曰含露門、玉京西北出口僊桃門、又西曰壽昌門、北出曰玄武門、內之東曰飛龍殿、禁苑在皇都之西北、距北邙西至孝水、南帶洛水、支渠穀洛二水會於其門、東面十七里、南面二十里、周迴一百二十六里、中有合璧冷泉高山、龍鱗翠微宿羽、明德望春、青城黃女、陵波十有一宮、芳樹金谷、二亭、疑壁之池、開元二十四年、上以為穀洛二水或泛溢、疲費人功、遂勅河南尹李適之、出內庫和顧、修三陂以禦之、一曰積翠、二曰月陂、三曰上陽、爾後二水無京都之制、備焉、力役之患、

後梁

太祖開平元年夏四月戊辰改東都為西都

五月以西都水北宅為大昌宮

三年春正月改西都貞觀殿為文明殿、含元殿為朝元殿

二月改思政殿為金鑾殿

後唐

莊宗同光元年冬十一月河南尹張全義請遷都洛陽從之、通鑑

曰實錄甲辰議修洛陽太廟按梁以汴州為東都、洛京為西都、

宗以魏州為東京、太原為西京、真定為北都、及滅梁、廢東京、

州以永平軍為東京、太原為西京、亦嘗有詔改梁西京為洛京、

光三年為洛京、而史脫其文也、今無可質正、故但謂之洛陽、

二年春正月丁未敕明堂殿偽梁改為朝元殿、今復舊名、改崇勳殿為中興殿、應順門為永曜門、太平門為萬春門、通政門為廣政



門、鳳鳴門為韶和門、萬春門為中興門、解卸殿為端明殿。秋八月辛巳，詔諸道節度觀察防禦團練刺史等，並令于洛京修宅一區。

三年夏四月壬寅，重修嘉慶殿，改名廣壽。

帝苦溽暑，於禁中擇高涼之所，皆不稱旨。宦者因言：臣見長安安全盛時，大明興慶宮樓觀以百數，今日宅家曾無避暑之所，宮殿之盛，曾不及當時公卿第舍耳。帝乃命宮苑使王允平別建一樓，以清暑。宦者曰：郭崇韜常不伸眉為孔謙論用度不足，恐陛下雖欲營繕，終不可得上。曰：吾自用內府錢，無關經費，然猶慮崇韜諫遣中使語之曰：今歲盛暑異常，朕昔在河上，與梁人相拒，行營卑溼。

被甲乘馬，親當矢石，猶無此暑。今居深宮之中，而暑不可度，奈何。對曰：陛下昔在河上，勅敵未滅，深念讐耻，雖有盛暑，不介聖懷。今外患已除，海內賓服，故雖珍臺閒館，猶覺鬱蒸也。陛下儻不忌艱難之時，則暑氣自消矣。帝默然。宦者曰：崇韜之第，無異皇居，宜其不知至尊之熱也。帝卒命允平營樓，日役萬人，所費巨萬。崇韜諫曰：今兩河水旱，軍食不充，願且息役，以俟豐年。帝不聽。

秋八月，毀京城南北壘。光啟末，張全義為河南尹，為蔡賊所攻，乃於南市築壘自固。又於市南嘉善坊別築南城。天復修都之際，元未毀撤。至是，左補闕楊途奏毀之。

冊府元龜曰：後唐成天四年八月乙丑，左補闕楊途奏，竊見京城



之內尚有南州北州縱市井不可改移城池即宜廢毀伏見都城  
舊牆多已摧塌不可使浩穰神京旁通綠野徘徊壁壘附近皇居  
無復因循亟宜修葺初光啟末張全義為河南尹為蔡賊所攻乃  
於南市一方之地築壘自固後延於市南又築嘉善坊為南城天  
復修都之際元未毀撤途之所奏頗適事宜  
庚申新作興教門樓門蓋昭宗所改郭從謙  
之變亂兵焚興教門  
明宗長興四年夏六月名宮西新園曰永芳園新殿曰和慶殿

後晉

晉高祖天福二年春正月丙寅改中興殿為天福殿中興門為天  
福門

秋七月改立德殿為廣政殿立德門為廣政門  
冬十一月改洛京潛龍宅為廣德宮

(通鑑)天福三年六月河南留守高行周奏修洛陽宮左諫議大  
夫薛融諫曰今宮室雖經焚毀猶侈于帝堯之茅茨所費雖寡  
猶多于漢文之露臺况魏城未下時范延光  
據魏州公私困窘誠非陛下  
修宮館之日俟海內平寧營之未晚上納其言仍賜詔褒之  
七年春閏三月改宣明門為朱鳳門武德殿為視政殿文思殿為  
崇德殿畫堂為太清殿寢殿為乾福殿其門悉從殿名改皇城四  
門名南曰乾明北曰立德東曰萬春西曰千秋

後周



周世宗顯德元年秋七月、西京留守武行德葺洛陽羅城。  
五代史職方考曰、洛陽、梁、唐、晉、漢、周常以為都、唐故為東都、梁為  
西都、後唐為洛京、晉為西京、漢、周因之。

羅紹威傳曰、梁太祖即位、將都洛陽、紹威取魏良材為五鳳樓、朝  
元前殿、浮河而上、立之京師。

地理通釋、京城周回五十二里、大內據京城之西北。

宋史地理志曰、西京、唐顯慶間為東都、開元改河南府、宋為西京、  
山陵在焉、宮城周迴九里、三百步、城南三門、中曰五鳳樓、東曰興  
教、西曰光政、因隋唐舊名、東一門曰蒼龍、西一門曰金虎、北一門曰拱  
宸、舊名玄武、大中祥符五年改、五鳳樓曰東西門、曰左右永泰門、外道北有鸞

和門、太平興國三年、以太平輅院門改、右永泰門、西有永福門、興教光政門、內各三  
門、曰左右安禮、左右興善、左右銀臺、蒼龍、金虎門內、第二隔門曰  
膺福、千秋、膺福門內、道北門曰建禮、正殿曰太極、舊名明堂、太平興國二年改、  
殿前有日月樓、日華、月華門、又有三門、曰太極殿、門後有殿曰天  
興、次北殿曰武德、西有門三重、曰應天、乾元、敷教、內有文明殿、旁  
有東上閣門、西上閣門、前有左右延福門、後又有殿曰垂拱、殿北  
有通天門、柱廊北有明福門、內有天福殿、北有寢殿、曰太清、  
第二殿曰思政、第三殿曰延春、東又有廣壽殿、視朝之所也、北第  
二殿曰明德、第三殿曰天和、第四殿曰崇徽、天福殿、西有金鸞殿、  
對殿南廊有彰善門、殿北第二殿曰壽昌、第三殿曰玉華、第四殿



曰長壽、第五殿曰甘露、第六殿曰乾陽、第七殿曰善興、西有射弓殿、千秋門、內有光含殿、拱宸門、內西偏有保寧門、內有講武殿、北又有殿相對、內園有長春殿、淑景亭、十字亭、九江池、砌臺、娑羅亭、宮城東西有夾城、各三里餘、東二門、南曰賓暉、北曰啟明、西二門、南曰金曜、北曰乾通、宮室合九千九百九十餘區、夾城內及內所處皇城周迴十八里、二百五十八步、南面三門、中曰端門、東西曰左右掖門、東一門曰宣仁、西三門、南曰麗景、與金曜相直、中曰開化、與乾通相直、北曰應福、內皆諸司處之、京城周五十二里九十六步、隋大業元年築、唐長壽二年增築南三門、中曰定鼎、東曰長夏、西曰厚載、東三門、中曰羅門、南曰建春、北曰上東、西一門曰關門、北二門、東

曰安善、西曰徽安、政和元年十一月、重修大內、至六年九月畢工、朱勝非言、政和間、議朝謁諸陵、敕有司預為西幸之備、以蔡攸妻兄朱昇為京西都漕、修治西京大內、合屋殿千間、盡以真漆為飾、工役甚大、為費不貲、而漆飾之法、須骨灰為地、科買督迫、灰價日增、一斤至數千、於是四郊冢墓、悉被發掘、取人骨為灰矣、宋昇傳曰、為京西都轉運使、涖葺西宮、方是時、徽宗議謁諸陵、有司預為西幸之備、昇治宮城、廣袤十六里、創廊屋四百四十間、



歷代宅京記卷之十

成都 漢

三國志蜀先主傳曰建安二十六年夏四月丙午即皇帝位於成都武擔之南蜀本紀曰武都有丈夫化為女子顏色美好蓋山精也蜀王娶以為妻不習水土疾病欲歸國蜀王留之無幾物故蜀王發卒之成都擔土於成都郭中葬蓋地數畝高七丈號曰武擔也

諸葛亮傳曰先主詣亮屏人曰漢室傾頽姦臣竊命主上蒙塵孤不度德量力欲信大義於天下而智術淺短遂用猖獗至於今日然志猶未已君謂計將安出亮曰自董卓以來豪傑並起跨州連郡者不可勝數曹操比於袁紹則名微而眾寡然操遂能克紹以弱為強者非惟天時抑亦人謀也今操已擁百萬之眾挾天子以



令諸侯此誠不可與爭鋒孫權據有江東已歷三世國險而民附賢能為之用此可與為援而不可圖也荊州北據漢沔利盡南海東連吳會西通巴蜀此用武之國而其主不能守此殆天所以資將軍將軍豈有意乎益州險塞沃野千里天府之土高祖因之以成帝業劉璋闇弱張魯在北民殷國富而不知存恤智能之士思得明君將軍既帝室之胄信義著於四海總攬英雄思賢如渴若跨有荆益保其巖阻西和諸戎南撫夷越外結好孫權內修政理天下有變則命一上將將荊州之軍以向宛維將軍身率益州之眾以出秦川百姓孰敢不箝食壺漿以迎將軍者乎誠如是則霸業可成漢室可興矣先主曰善

成

晉書李壽載記曰壽廣修宮室引水入城又廣太學起讌殿

唐

唐書肅宗本紀曰至德二載冬十二月戊午詔曰頃者上皇在蜀朕亦居岐其以蜀郡為成都府號南京鳳翔府為西京西京為中京府尹以下秩同京兆

地理志曰成都府益州至德二載曰南京為府十二月十五日上元元年

罷京九月七日

五代史前蜀世家曰王衍起宣華苑有重光太清延昌會真之殿清和迎仙之宮降真蓬萊丹霞之亭飛鸞之閣瑞獸之門又作



怡神亭與諸狎客婦人日夜酣飲

歷代宅京記卷之十一

鄴上

魏

三國志魏太祖本紀曰漢建安十三年春正月作玄武池以肄舟師  
十五年冬作銅雀臺

十八年秋九月作金虎臺鑿渠引漳水入白溝以通河

宗書禮志曰建安二十二年魏國作泮宮于鄴城南

又曰建安十八年七月始建宗廟于鄴

後趙

會書載記曰石勒令少府任汪都水使者張漸等監營鄴宮

鄴上



石虎使牙門將張彌徙洛陽鐘簾九龍翁仲銅駝飛廉于鄴一鐘沒于河募浮沒三百餘人入河繫以竹絙牛百頭鹿橛引之乃出造萬斛舟以渡之以四輪纏網車轍廣四尺深二尺運至鄴

又納解飛之說于鄴正南投石于河以起飛橋功費數千億萬橋竟不成役人飢甚乃止

虎於襄國起太武殿于鄴造東西宮太武殿高二丈八尺以文石絳之下穿伏室置衛士五百人于其中東西七十五步南北六十五步皆漆瓦金鐺銀楹金柱珠簾玉壁窮極伎巧又起靈風臺九殿于顯揚殿後選士庶之女以充之

虎盛興宮室于鄴起臺觀四十餘所營長安洛陽二宮作者四十餘萬人

虎使尚書張羣發近郡男女十六萬車十萬乘運土築華林苑及長牆于鄴北廣數十里以燭夜作起三觀四門三門通漳水皆為鐵扉暴風大雨死者數萬人鑿北城引水于華林園城崩壓死者百餘人

五行志曰石季龍時鄴城鳳陽門上金鳳皇二頭飛入漳河

燕

晉書載記曰慕容儁自薊城遷于鄴繕修宮殿復銅雀臺慕容垂克鄴以鄴城廣難固築鳳陽門大道之東為隔城

後魏

宋書魯秀傳曰或告拔拓壽鄴民欲據城反遣秀檢察并燒石虎殘宮殿魏書高祖本紀曰太和十七年冬十月癸卯幸鄴城初帝之南伐也起宮

鄴上

二



殿于鄴西十一月癸亥宮成  
十八年春正月丁未朔朝群臣于鄴宮澄鸞殿

曰孝文經鄴登銅雀臺崔光曰鄴城平原千里漕運四通有西  
門史起遺蹟可以饒富請都之孝文曰鄴城非長久之地石虎傾于前慕  
容滅于後國富主奢暴成速敗且西有枉人山東有列人縣北有栢人城  
君子不飲盜泉惡其名也

張熠傳曰天平初遷鄴草創右僕射高隆之吏部尚書元世儁奏曰南京  
宮殿毀撤送都連筏竟河首尾大至自非賢明一人專委受納則恐材木  
耗損有闕經構熠清貞素著有稱一時臣等輒舉為大將詔從之

孝靜帝本紀曰天平元年冬十一月庚寅車駕至鄴居北城相州之廨改

相州刺史為司州牧魏郡太守為魏尹徙鄴舊人西徑百里以居新遷之  
人分鄴置臨漳縣以魏郡林慮廣平陽邱汲郡黎陽東濮陽清河廣宗等  
郡為皇畿閏十二月初置四中郎將于礪石橋置東中蒲泉置西中濟北  
置南中洺水置北中

二年秋八月甲午發衆七萬六千人營新宮

四年夏四月辛未遷七帝神主入新廟

興和元年秋九月甲子發畿內民夫十萬人城鄴城四十日罷  
冬十一月新宮成

二年春正月丁丑御新宮

武定四年秋八月移洛陽漢魏石經于鄴



北齊書辛術傳曰解褐司空曹叅軍與僕射高隆之共典營構鄴都宮室術有思理百工克濟

高隆之傳曰為尚書令右僕射領營構京邑制度莫不由之增築南城周迴二十五里以漳水近于帝城起長隄以防汎溢之患又鑿渠引障水周流城郭造治碾磴有利于時

魏書李業興傳曰遷鄴之始起部郎中辛術奏曰今皇居徙御百度創始營構一興必宜中制上則憲章前代下則模寫洛京今鄴都雖舊基址毀滅又圖記叅差事宜審定臣雖膺職司學不稽古通直散騎常侍李業興碩學通儒博聞多識千門萬戶所宜訪詢今求就之披圖按記考定是非叅古雜今折中為制召畫工并所須調度具造新圖申奏取定庶經始之

日執事無疑詔從之

地形志曰司州治鄴城太祖天興四年置相州天平元年遷都改魏尹天平初改

鄴漢晉屬天平初併蕩陰安陽屬之蕩陰太和中置關關今罷有西門豹祠武城牖里城蕩城石竇堰有南部右部西部天平中決漳水為萬金渠今世號天平渠

齊

北齊書文宣帝本紀曰天保元年秋八月詔文襄皇帝所運蔡邕石經五十二枚移置學館依次修立二年秋七月己卯改顯陽殿為昭陽殿

鄴上

四



冬十月戊申起宣光建始嘉福仁壽諸殿

七年夏四月丁卯造金華殿

是年修廣三臺宮殿

九年秋八月先是發丁匠三十餘萬營三臺于鄴下因其舊基而高博之大起宮室及遊豫園至是三臺成改銅雀為金鳳金虎曰聖應水井曰崇光冬十一月甲午帝至自晉陽登三臺御乾象殿朝讌羣臣並命賦詩

武成帝本紀曰河清二年夏五月壬午詔以城南雙堂閨位之苑迴造天總持寺秋八月辛丑詔以三臺宮為大興聖寺

後主本紀曰天統二年春三月乙巳太上皇帝詔以三臺施興聖寺三年春正月鄴宮九龍殿災延燒西廊

四年夏四月辛未鄴宮昭陽殿災及宣光瑤華等殿

五年春正月辛亥詔以金鳳等三臺未入寺者施大興聖寺

帝承武成之奢麗以為帝王當然乃更增益宮苑造偃武修文臺其嬪嬙諸院中起鏡殿寶殿瑤瑁殿丹青彫刻妙極當時所愛不恒數毀而又復夜則以火照作寒則以湯為泥百工困窮無時休息

后妃傳曰後主為曹昭儀別起隆基堂極為綺麗

隋書食貨志曰天統中毀東宮造修文偃武隆基嬪嬙諸苑起玳瑁樓又於遊豫園穿池周以列館中起三山構臺以象滄海并大修佛寺勞役鉅萬

後周

周書武帝本紀曰建德六年正月辛丑詔曰偽齊叛渙竊有漳濱世縱淫

鄴上

五



風事窮彫飾、或穿池運石、為山學海、或層臺累構、傑日凌雲、以暴亂之心、極奢侈之事、有一于此、未或弗止、朕非食薄衣、以弘風教、追念生民之費、尚想力役之勞、方當易茲弊俗、率歸節儉、其東山南園、及三臺、可並毀撤、瓦木諸物、凡入用者、盡賜下民、山園之田、各還本土。

靜帝本紀曰、大象二年秋八月、移相州于安陽、其鄴城及邑居、皆毀廢。

之初平尉遲迥

水經注曰、鄴本齊桓公所置也。故管子曰、築五鹿中牟鄴、以衛諸夏也。後屬晉。魏文侯七年、始封此地、故曰魏也。漢高帝十二年、置魏郡、治鄴縣。王莽更名魏城、後分魏郡置東西郡都尉、故曰三魏。魏武又引漳流、自城南東入、逕銅雀臺下、伏流入城東、注謂之長明溝也。渠水又南、逕止車馬門。

下、魏武封於鄴為北宮、有文昌殿、溝水南北夾道、支流引灌、所在通漑、東出石竇、下注之涅水、故魏武登臺賦曰、引長明、灌街里、謂此渠也。石氏於文昌故殿處、造東西太武二殿、於濟北穀城之山、採文石為基、一基下五百武、直宿衛屈柱。屈柱似是屋柱之譌跌瓦悉鑄銅為之、金漆圖飾焉。又徙長安洛陽銅人置諸宮前、以華國也。城之西北有三臺、皆因城為之、基巍然崇舉、

其高若山。建安十五年、魏武所起、其中曰銅雀臺、高十丈、有屋百餘間、臺成、命諸子登之、並使為賦。陳思王下筆成章、美捷當時、亦魏武望奉常王、耕治之處也。昔嚴才與其屬攻掖門、修闡變車馬未至、便將官屬步至宮門、太祖在銅雀臺、望見之、曰、彼來者必王、耕治也。石虎更增二丈、立一屋、連棟接檐、彌覆其上、盤迴隔之名曰命子窟、又於屋上起五層樓、高十五



丈去地二十七丈。又作銅雀於樓巔，舒翼若飛。南則金雀臺，高八丈，有屋一百九間。北曰冰井臺，亦高八丈，有屋一百四十間。上有冰室，有數井，井深十五丈，藏冰及石墨馬，石墨可書。又然之難盡，亦謂之石炭。又有粟窖及監，監疑作鹽以備不虞。今窖上猶有石銘存焉。左思魏都賦曰：三臺列峙而崢嶸者也。城有七門，南曰鳳陽門，中曰中陽門，次曰廣陽門，東曰建春門，北曰廣德門，次曰廐門，西曰金明門，一曰白門。鳳陽門三臺洞開，高三十五丈。石氏作層觀，架其上，置銅鳳頭，高一丈六尺。東城上，石氏立東明觀，上加金博山，謂之鏘天。北城上有齊斗樓，超出羣榭，孤高特立。其城東西七里，南北五里，飾表以博，百步一樓。凡諸宮殿門臺隅雉，皆加觀榭，層甍反宇，飛檐拂雲，圖以丹青，色以輕素。當其全盛之時，去鄴六七十里，遠望

若亭，巍若仙居。魏因漢祚，復都洛陽，以譙為先人本國，許昌為漢之所居。長安為西京之遺迹，鄴為王業之本基，故號五都也。今相州刺史及魏郡治漳水，自西門豹祠北，迤趙閱馬臺西，基高五丈，列觀其上。石虎每講武於其下，升觀以望之，虎自於臺上放鳴鏑之矢，以為軍騎出入之節矣。漳水又北，迤祭陌西，戰國之世，俗巫為河伯娶婦，祭於此陌。魏文侯時，西門豹為鄴令，約諸三老曰：為河伯娶婦，幸來告知，吾欲送女，皆曰諾。至時，三老廷椽賦歛百姓，取錢百萬，巫覡行里中，有好女者，云是當為河伯婦，以錢三萬，聘女沐浴脂粉如嫁狀，豹往會之。三老巫椽與民咸集，赴觀。巫嫗年七十，從十女弟子，豹呼婦視之，以為非妙，令嫗入報河伯，投巫於河中，有頃，曰何久也。又令三弟子及三老入白，並投於河。豹磬折曰：三老不



來奈何復欲使廷掾豪長促之皆叩頭流血乞不為河伯娶婦淫祀雖斷地留祭陌之稱焉又慕容儁投石虎尸處也田融以為紫陌也趙建武十一年造紫陌浮橋于水上為佛圖澄先造生墓於紫陌建武十五年卒十一月葬焉即此處也漳水又對趙氏臨漳宮在桑梓苑多桑木故苑有其名三月三日及始蠶之月虎帥皇后及夫人採桑于此今地有遺桑壟無尺雉矣



